

四庫全書

集部

欽定四庫全書

安陽集卷六

宋 韓琦 撰

律詩八十三首

北嶽

四海尊方嶽常推朔鎮雄陽為中夏勝陰與北胡窮孕  
秀賢豪出宣靈造化通斗乘天位正乾發帝基隆盛畜  
嚴凝氣橫障廣莫風舉頭瞻駿極危坐壓崆峒殖物資  
坤德栖真固坎宮星纏函畢昴祀典軼王公俗仰良材

當年隨喜澤豐左肱揮渤澥右股跨獫狁地險祠庭革  
時平戍壘空嵐光朝撲黛寶色夜舒虹有藥皆奇種無  
花不異叢層巔健雕鶚怪穴老羆熊肆覲儀雖閤斯民  
望未充何時清大漠封牒紀宸功

喜雪

朔雪飛殘臘融和變凜嚴徐來花出在驟急霰聲兼數  
住天應惜爭繁酒易添積深函久潤濟大略微嫌雅意  
明書幌多情入宴簾舞腰難學轉峯頂尚饒尖露藥仙

盤挹風毛鬣，圉煬宮牆胡粉畫。梅梗蜀酥黏影淡，三春  
絮光寒八月蟾。垣塗誰復辨巨壑，有何厭狂助詩毫。逸  
清驅厲氣，潛歡謠騰紫塞喜。色上彤幃凝雷收，冰乳堆  
庭鏤虎鹽。吾民無足慮，豐歲可前占。

上元罷燈

燈夕何蕭索，朝家恤殣災。民心無奈鬱，春意有誰開。明  
月舒雲懶，遊人怯漏回。堪嗤愚太守，獨欲上熙臺。

郡西齋有夜合萱草對開因成二闋

合歡香影拂西齋萱草前臨小檻開待爾忘憂與蠲忿  
爭如無事起靈臺

合歡萱草兩含芳一見令人樂興長唯是憂邊與憂國  
對花終日不能忘

謝真定李密學惠牡丹

窮邊無處覩春榮咫尺常山似洛城會得主人將雅意  
欲教隣境伏香名全開正弄朝霞色半謝猶含暮雨情  
只上賓筵共一醉也勝渾不見芳英

荅陝府春卿資政

蓬山曾許一浮丘，踰紀光陰一瞬休。  
朔塞風霜人易老，

申湖歌舞景長留。我臨賓席頻先醉，

近年酒量頻衰往日

君對仙

棊幾自謳

公好臨棊而歌其韻尤清

千里詩來還感舊，不堪斜日凭

邊樓。

再荅

一從西北困邊塵，瀛館仙游更莫親。  
只慣彎弧揮太白，

公前書曾以彎弧大白為謔

幾曾橫槊賦青春。晴郊按獵長侵暮，夜

素飛邨不待晨多美甘棠關無訟時將佳句惱麤人

題覽勝亭

在北城上

極目知何勝東西矗萬岑天雖限夷夏人自失喉襟遠  
木已秋色亂雲猶夕陰清風誰會我太息撫霜鐔

題養真亭

新葺公居北虛亭號養真所期清策慮不是愛精神滿  
目林壑趣一心忠義身吏民還解否吾豈苟安人

北塘避暑

盡室林塘滌暑煩  
曠然如不在塵寰  
誰人敢議清風價  
無樂能過白日閒  
水鳥得魚長自足  
巖雲含雨只空還  
酒闌何物醒魂夢  
萬柄蓮香一枕山

次韻和致政王子融侍郎歸休述懷二首

周旋通顯竭忠勤  
勇退翩然得謝身  
鳴玉乍辭天上貴  
揮金長示里中仁  
蒲牀黃卷閑為伴  
一枕清眠任過晨  
六十九歸今昔少  
萬年青史紀高人

禮稱七十還君事  
宣必如期許退身  
臣子引年雖審分



朝廷圖舊合推仁  
曉登文石方延刻  
暮掛危冠不待晨  
竊惜聖神求治意  
未宜輕去老成人

次韻和真定李侍郎新荊流杯

不有浮觴樂誰知  
愛客深投醪當席  
意修禊昔賢心自  
至疑仙術虛來協  
道襟去留雖任物  
斟酌孰窺陰阻挹  
齋中酒空勞塞上  
吟清潭時一望搔  
首莫能簪

依韻和機宜陳薦請遊城北池館二首

只恨無才濟阻飢  
北塘因爾失春期  
民心方喜稻禾熟

秋色不關臺榭隳一派芰蓮輸水鳥幾船烟雨卧風旗  
佳辰賴有詩人覺較得紅芳又變衰

去歲飢流待撫循日憂疲瘵苦傷神細民溝壑方援手  
別館鶯花任送春舉目山河生壯氣經時臺榭極芳塵  
秋來幸有豐年兆還作偷安樂事人

秋夕二首

大暑喪餘酷涼秋祛衆瘴歎氛隨雨斷素景入宵多鴈  
影穿池月蛩聲出砌莎披襟予自快楚澤任悲歌

此夕何清曠  
新秋乍奪炎  
涼颼來似舊熏  
暑逝如潛露  
重翻香芰雲  
踈點素蟾放  
懷殊不寤箕斗轉  
前簷

秋日出郊

疆野壓雄邊  
乘秋行此田  
萬峯朝巨嶽  
多稼入平天  
農飽忘饑後  
童嬉逼社前  
僚賢須共樂  
舉白盡歌筵

中秋月

清商纔過半  
皓魄最宜圓  
自是秋光好  
非緣人意偏  
一宵歌吹地  
萬里雪霜天  
忍見西樓下  
嘉期又隔年

蒙恩加職寄餘杭希文資政

燕石寧參楚璧珍六膺君獎共言綸

陝西經略副使環慶秦鳳帥復官廩

察樞密直學士今命

老聃道大誰同傳千古韓非是罪人

重九次韻荅真定李密學

琴瑟煩更化椒蘭喜望隣致儀慙蟻酎申好黍  
親惜此登高節難偕逐勝賓遙知潭上酌多少  
插花人

次韻荅致政宮保杜公

無勞遷職此何名只有慙羞敢自榮撫俗未能宣上意

治邊徒欲振天聲  
丘山莫副推恩重  
銖兩唯憂效死輕  
高句不須期任舊  
已求三載奏官成

近已上奏  
乞終三年

依前韻再答

不與皇家致太平  
康寧時節便遺榮  
寰中自樂喬彭壽  
海內空流邠魏聲  
一品坐來恩固重  
萬鍾拋去祿何輕  
朝廷欲斷姬周盛  
會向磻谿問老成

送省副崔刑部

此去參邦計  
時才固異倫  
富民知有道  
言利不違仁  
餘

帳無情日歸途適意春前期對清問犧閣近槐宸

雪

六花來應臘望歲一開顏歌舞喧侯第風沙雜戍闌餘  
芳留草樹清興入江山後夜高樓月蕭然崑閬間

髮白有感

區區邊朔有何成三失流年只自驚無一事來頭尚白  
白人頭處豈堪行

晚步後園覺有春色

桃李知春意陽和到嫩萌風霜誰自困鶯蝶始多情終  
入芳菲賞休論早晚榮窮邊何所負轟鼓醉金觥

北樓望春

良疇芳圃汨飛埃生意顚顚望震雷北嶺有雲空自繞  
幾時為雨出山來

寒食

塞上逢寒食郊園此重臨一時行樂意萬室欲春心節  
物隨人好風光得處深只思民盡適守鬢忘霜侵

感事

一來邊障地走馬過三秋萬緒事常擾九分春又休  
鶯花誰在目霜雪只侵頭縱得風光住風光可奈憂

上巳北塘席上

修禊春塘上誰知物趣深萬花開喜色衆樂出和心  
雨意隨人住杯情逐勝斟從茲窮塞地佳節似山陰

喜雨

晚雷驅雨協春雩誰識天工用意殊不許繁花私潤澤



獨教嘉穀足膏腴群心有谷方思報寸草無求亦自蘇  
始信雲龍施美利豈勞功力費毫銖

北塘春雨

葉葉輕雲帳薄羅坐看膏澤灑庭柯風前芳杏紅香減  
煙外垂楊綠意多聲落簷牙飛短瀑點勻池面起圓波  
晴來西北凭欄望拂黛遙峯濯萬螺

再謝真定李密學惠牡丹

牡丹京洛艷惠我見新鄰一與樽前賞重生塞上春衰

榮存主意深淺盡天真却似登蘭室清香暗襲人

新植花開

去歲栽花遍小欄只憂芳艷不禁寒年來醉賞春風裏  
無限邊人見牡丹

牡丹二首

真是群芳主群芳更孰過艷新知品少開晚得春多幾  
日瑤姬夢平生金縷歌寒邊今幸活風雨莫相魔

青帝恩偏壓衆芳獨將奇色寵花王已推天下無雙艷

更占人間第一香  
欲比世終難類  
取待開心始覺春  
長不教四季呈妖麗  
造化如何是主張

落花二首

妖艷憑誰主  
春光去不停  
離魂亂飛絮  
生意逐浮萍  
錢英偷餘態  
茵蕪襲舊馨  
年年芳信在  
春勿歎飄零

一夜殘芳泣露痕  
曉來紅雨點蘭蓀  
對人終有風流在  
幾片斜飛在酒樽

郡圃初夏

池館何無賴青春幾日回  
酒隨花謝減心為水涼開  
幽鳥閑鳴和清風自往來  
峯巒新在目天與白雲裁

夏暑北塘

一夕輕雲卷怒雷回塘經雨絕纖埃  
蓮房倒盞揮人飲柳幄牽絲待席開  
未必鷗飛知客意莫嫌蟬噪是風來  
歎煩盡滌宜無累奈有詩情費剪裁

覽劉易詩集感其遊賞江山放懷自適

區區西北十經春強力今為老病身  
白髮丹心論底事

清風明月屬閑人  
千鈞未免嗤鼯鼠  
一簣猶思抑孟津  
早晚粗酬忠國志  
五湖煙水樂吾貞

席上聞蟬

柳際一蟬鳴  
停樽忽自驚  
所傷非節物  
未立是功名  
默然悲時事  
區區徇世情  
不須爭噪急  
衰鬢舊霜莖

次韻和國信趙內翰北口見寄

時得不可失  
時乎況得天  
蔓圖非易力  
鳩毒是安眠  
廟勝雨楹決  
壺漿一檄傳  
臨關休發詠  
歸議主當然

寄題廣信軍四望亭

西北雲高拂女牆危亭虛豁望中長  
田間堤陌成新險天外江川是舊疆  
古道入秋漫黍稷遠坡乘晚下牛羊  
凭欄多少無言恨不在歸鴻送夕陽

與餘杭希丈資政經時兩絕音問忽得訊正與  
近致書同日因以詩寄

閨首郵音得到無使來還喜發雙魚  
却思塞上經時問恰是吳中當日書  
人邈江山神自照道存忠義信從踈

昔年元白慈恩事詩意雖同志未如

一志

一志事邊徼難甘景物催流年花易落久戍鴈頻回細  
葉未成幄飛蚊還聚雷顛毛從自變肯使壯心摧

閱古堂八詠

牡丹

極塞將何奉燕娛牡丹池館一株無誰人會我栽培意  
欲見吳宮小陣圖

芍藥

從來良守重農桑何事栽花玷此堂  
已愛昔賢形藻繪更移嘉卉伴馨香

垂柳

東君於此最多情先與黃金撚畫成  
何似亞夫堅壁地因人千古得嘉名

疊石

疊疊雲根漬古苔煙巒隨指在庭堦  
主人未有銘功處



日視崔嵬激壯懷

藥圃

堂下開畦植藥苗更將靈種悉名標  
吾心盡欲醫民病長得憂民病不銷

溝泉

遙派分流過近堦潺潺終日瀉瓊瑰  
誰知到此幽閑地多少餘波潤物來

小檜

小檜新移近曲欄養成隆棟亦非難  
當軒不是憐蒼翠只要人知耐歲寒

芭蕉

邊俗稀曾識此科南方地暖北寒多  
孤芳莫念違天性無奈深恩愛育何

次韻荅承旨王端明

禁局清切擬仙都多病年年絕塞居  
四海風雷歸舊筆二垂霜霰乃吾廬  
道同今古猶相照事役鱗鴻不計疎

莫謂安恬遂留滯是非終有史臣書

七夕同末伏會衆春園

七夕今同末伏辰方塘陶暑集珍群  
嬌鶯萬轉風前曲  
秀嶺千層水上雲  
幽鷺倚蒲真入畫  
香荷擎酒不須熏  
天孫莫銜機頭巧  
倒載歸來豈羨君

初秋塘上

池塘涼意早秋色動邊闕  
酷暑不終暴清風來自閑畏  
螳蟬屢起辭幕燕將還盡日當軒卧看雲歸故山

次韻荅渭帥王龍圖

十年西北保疆垂，只恐非才誤委毗。  
報國心誠雖慷慨，背時蹤跡極孤危。  
欲求褒貶明千古，直把窮通託二儀。  
多謝高篇遠相勞，召南風格本王基。

覽渭帥王龍圖西行詩集

久陟風騷上將壇，更持旄鉞撫邊關。  
山川滿目吟雖苦，戈甲藏膏意自閑。  
威望昔嘗流塞外，雅歌今復奏兵間。  
禁中日夜思頗牧，四牡看隨杖屨還。

送劉易歸洛

滿懷經術欲誰傳却憶西歸洛田富貴苟求成損義  
聖賢難遇亦推天春風始入花王國夜月長涵宓女川  
巖谷弓旌如未及且憑詩酒作閑仙

次韻荅侍讀張龍圖索閱古堂詩石本

千年賢迹一堂間日企英風敢自安爭似公陳無逸義  
君王圖入殿屏看

閱古堂前植菊二本九月十八日花猶未開因

以小詩嘲之

只趁重陽選菊栽當欄殊不及時開風霜日緊猶何待  
甚得迎春見識來

北塘重九

堪嗤唐彦鄙邊疆不信重陽草未霜樽裡有花荷萬葉  
三年酣賞好風光

試獵

試獵秋原亦治戎飄然豪氣滿西風飢鷹獠犬爭為用

不在人知指縱功

禱雪有感

靈嶽祠官尚未回  
六花隨禱下瓊瑰  
只憂風力狂無定  
最喜雲容重不開  
但得餘滋周畝畝  
敢求嬌意助樽罍  
夜深猶使家人探  
平地依稀幾寸來

次韻荅留臺春卿集賢侍郎

聞說西臺遂懸車  
一何欽聳一何傷  
赤松世外誠先覺  
白首兵間是不祥  
得失兩忘祛病術  
利名相賊弱人鄉

幾時微立疆垂効去伴公閑亦道光

再荅

拙者奔馳智者藏細論朝體宜無傷蒼生困敝誰更化  
賢弼優游自考祥四海唐虞終我事三川風月且吾鄉  
軍中不識陽春贈幾按青萍駭夜光

再荅

久拋儒掖禦戎疆每憶青氍只自傷馬上文章終是俗  
胷中戈甲亦非祥哇聲誤入聞韶耳藻袞輕投被毳鄉



賴得高賢時借譽不然幽迹轉無光

後園閑步

池圃足高趣公餘事少闕幽禽聲自樂流水意長閑  
近竹花終俗過欄草費刪心休誰似我官府有青山

北塘探春

大鈞將首化微物亦先知草木色皆得禽魚意自怡  
和風無不到餘凜欲何為會與斯民樂熙臺興未遲

觀稼回北園席上

郊原飛隼拂晴霓秋入豐年未慘悽嘗酒管絃先社集

北人社前一月親賓相會謂之嘗酒捺拳禾黍極雲齊雪鋪蕎麥花漫野

黛抹蔓菁菜滿畦區脫狴牢無一事山翁贏得醉如泥

燈夕遇雪席上

此夕仙花降羯陀萬燈光裏雪花和天心要足良農望  
人世常多好事魔雲際未應成霹靂風前疑欲助婆娑  
陰晴况是民俱樂無奈嘉賓惜醉何

次韻荅致政杜公小詩見戲

塞上區區罄拙勤  
回頭芳歲已三旬  
何須更殫中山酒  
日日憂邊似醉人

次韻荅致政杜公以遷職惠詩

滿歲窮邊喜未還  
飛塵猶擬助高山  
一年願借雖慙冠  
萬里思歸却笑班  
紫塞風煙長冷淡  
赤松光景正安閑  
何時少奉揮金宴  
免役勞魂夢寐間

種樹

一守中山四載餘  
栽成芳樹滿郊衢  
州民如有甘棠念

惜取清陰萬萬株

壬辰寒食衆春園

寒食郊園此會稀  
吏民隨意賞芳菲  
樽前有樂人還去  
牆外無花蝶亂飛  
衆裏鞦韆應是驛  
岸邊鷗鳥却忘機  
黃昏易覺春醪散  
細雨迎風洒面歸

釋奠廟中作

舍奠修禋禮齋誠  
致吉蠲普天同日祀  
聖道幾人傳窮厄  
當時教雅崇萬世賢  
蒙然如可寤朝夕  
在拳拳

壬辰重九即席

中山風物有前緣，經賞重陽第五年。  
莫為素毛悲晚歲，且吹黃菊酌芳筵。  
追求僻郡疑邀寵，甘老窮邊似好權。  
笑問此身何計是，不如嘉節倒垂蓮。

次韻荅留臺春卿集賢侍郎見寄

十稔違談燕，區區混濁流。  
經時無一信，度夕是三秋。  
友會此難約，君恩尚未酬。  
何人伴高興，洛棹與嵩樓。

壬辰歲除喜雪

祈雪經冬未應人歲除方喜六花勻解蘇民望終為臘  
要入時宜不在春欲使休祥同節賀更教生物及年新  
明朝元會排天仗萬玉相輝拜紫宸

賓鴈

候時賓鴈覺秋分便委胡霜遡楚氛一片畫屏橫遠岫  
幾行書字帖輕雲信通離閣誠虛語聲到英雄似不聞  
莫趁衡陽戀閑暖南兒矰繳正紛紛

安陽集卷六

欽定四庫全書

安陽集卷七

宋 韓琦 撰

律詩四十五首

次韻荅致政杜公以加節見寄

西北連憂寄責深十年回首失光陰丹心報國期輸盡  
白日當天荷照臨賜鉞何勞誠覲面扞邊雖久即甘心  
孤根只有衰危甚不得終身被傅霖

次韻荅留臺春卿侍郎以加節見寄二首



一落羸官伍噲曹清流甘分絕英髦建牙恩有丘山重  
扞塞功無尺寸高許國壯心輕蹈死殄戎豪氣入橫刀  
只期名遂扁舟去掉臂江湖擲錦袍

洛下安然塞下勞公持霜簡我持旄憂無虛日三垂重  
閑入芳春萬事高病虎厭風摧漢節卧龍慳雨澀吳刀  
遙知嘯傲煙霞外肯把仙袍換戰袍

清明獲鹿道中

尺雪征塗已倦行那堪寂寞過清明農居近古鞦韆野

縣堞成虛睥睨平只見靚粧矜節服更無閑地匝春耕  
山川寓目皆形勝可惜虛屯百萬兵

過井陘淮陰侯廟

破趙降燕漢業成兔亡良犬日圖烹家僮上變安知實  
史筆加誣貴有名功蓋一時誠不減恨埋千古欲誰明  
荒祠尚枕陘間道澗水空傳哽咽聲

離天威驛

早發天威驛深春尚薄寒龍蛇盤道路波浪卷峯巒古

木萌常晚新流勢未湍忠臣方叱馭更險不辭難

過故關

春入并州路群芳夾故關前騶驅弩過別境荷戈還古  
戍餘荒堞新耕入亂山時平民自適白首樂農閑

百井路山桃盛開

漫嶺天桃樹無人亦自開雲霞深隱洞錦繡遠成堆生  
意驚樵斧芳情謝宴杯莫迷行客路不似武陵回

黑砂嶺路

平定軍西

詰曲榆關道終朝險復平後旌綠磴下前騎半天行舉  
目自山水勞生徒利名報君殊未效何暇及歸耕

過側石驛

三月春光薄川寒驛路長虎蹲難動石龍矯已剝桑嶺  
狹居多險耕勤地少荒山農駭車騎兒女滿莊牆

出山口

待曉出山口溟濛雨乍晴始知經盡險終得坦然平草  
樹開春意川原豁眼明吏民當自信竹馬不須迎

送門人曾宏祕校登第南歸

十載辭鄉志登科一旦伸青綸歸養客白髮倚門家  
釀難禁蟬江鱸正得尊之官如自立吾館有賢賓

呂景初殿院被召歸闕

通臣清舉世推公驛召歸馳御史驄不獨危言開正道  
更將高節激頽風嚴霜透骨寒威重健鶻盤空殺氣雄  
朝選雖精知尚薄濟時才業滿胷中

初伏柳溪

萬柳籠溪借碧連滌煩高會喜僚賢人間酷暑病庚伏  
世外清風有洞天一枕易醒西嶠雨滿筵思醉北池蓮  
棠陰訟闌邊烽靜誰信榆關作地仙

重九以疾不能主席因成小詩勸北園諸官  
飲

病襟深惜好重陽莫接郊園醉晚芳豪飲直輸無比戶  
清歡全落少年場感時蕭索休成詠中酒無流不是傷  
猛戰巨觥吹嫩菊且陶嘉節趁康強

并塞晚秋

莫賦悲哉學楚騷  
塞庭秋色一時高  
霜嚴獵衛鷹權峻  
風入弓膠士氣豪  
對月清吟森玳瑁  
吹花芳酌醉葡萄  
汾波照骨銀河淡  
曉夕寒光助帳刀

過太原舊城

車書從此九區同  
雉堞纍雲百載空  
欲把金湯角天命  
却驚禾黍滿秋風  
雖餘墟落人煙悄  
不改山河氣象雄  
何必壞城心可壞  
祖宗恩德浸無窮

晉祠

唐叔祠推晉域雄  
乘春來謁想遺風  
前庭樹古圭曾剪  
近壠禾新穎未同  
山峻尚存維翰德  
泉深長瀉及人功  
愚民不識邦君重  
歲歲西神酒食豐

獅子柳

在晉祠

柳出狻猊首天然  
癭贅高楓瘤啞鬼  
伏松幹讓龍豪根  
聳伸獐爪絲輕燦  
錦毛三眠漢宮樹  
人狀可同褒

長生巖

出晉祠



奇種定仙草長生晉水蘋採芳曾著詠薦潔可供神萬  
卉衰何速三冬色自新大年如欲較吾豈愧莊椿

過甘泉寺

甘泉穿石磴山腹啓禪扉自笑逃塵境翻來觸靜機花

開松色淡

時前檻壯丹盛開

歌咽磬聲微十里薔薇路香風送

馬歸

甲午冬閱

練士當時閱臨高共一觀勢憑朝氣銳令入曉霜寒事

重三軍國形存八陣灘燒烘旗幟動雷吼鼓輦乾畫守誰  
能犯循環莫見端赴谿驅稚子飄石走驚湍彈壓提封  
靜周旋四野寬機深天地祕知少古今難寨巧花齊出  
營新月未圓全師充國春堅卧亞夫安鵝鵲行雖卷貌  
貅伎要殫撒韁馳鐵騎疊箭取銀盤避梁身藏鎗揚塵  
足掛鞍弩飛三月劍砲擲百星丸鏡管喧歸隊肴觴足  
犒餐父兄人自衛鳧藻衆胥歡有志銘燕石無勞誤漢  
壇壯心徒內激神武正勝殘

賀宮師杜公增秩

漢唐二傳推踈白高退當時歎莫如雖有清風傳舊史  
不聞優寵及安車直緣賢迹光君輔更約師模在帝儲  
何似詔公還廟席萬靈和樂浹堪輿

賀觀文富公遷職

祕殿班崇極邇聯九重思舊及高賢雖知榮寵公非樂  
且喜孤忠帝尚憐惠物袴襦聊一境得時霖雨即敷天  
萬方翹首率夔入待見唐虞致治年

賀春卿加大資政職

別殿深巖峻寵班再煩開府  
扼秦關棠郊陰滿修前治  
蕙帳香銷在故山天意未容賢者樂  
官方唯許老時閑蒼

生況結為霖望豈要窮邊俗吏攀

嘗致書以公康寧不當久遂閑適有輒欲

奉攀之語故云

走筆戲呈機宜著作與諸同席

不草邊書絕塞氛英僚高會喜同群  
朋間射鵠雖連中  
坐上飛觥不五分  
烈士感時何晚歲  
男兒行樂是從軍

速揮大白申嚴令多得紅心即戰勲

上已柳溪席上次韻荅機宜張吉甫判官勸飲  
天意如何未應人蛟龍猶得戢乖鱗民間望極經時雨  
塞上寒深幾日春麥脚埋塵難自展柳眉低水只乾勻  
西溪不在浮觴樂且慰群心被禊辰

柳溪嘲蓮

清香奇色匝芳洲只得公餘一見休道是好花堪謔問  
幾時曾上美人頭

次韻荅永興安撫文公

建牙非稱冢司官正是宸襟注意安即日太平歸輔翼  
侍祠重陟岱宗壇

次韻和都運崔諫議寄示立春前一日宿嵐谷

山程

絕色風霜正樹威不知韶律起從微十千酒且迎春酌  
五九寒須半臘歸破屐好山連日上費詩嬌雪着人飛  
屬封所過皆蒙惠民吏應如挾纊衣

代書寄大資政春卿侍郎

宵躔將欲正三台促召深恩輔翼才只聽變調光玉鉉  
若為封駁滯銀臺殿帷延納君思厚經席敷陳聖慮開  
命相幾時符衆望遞中看錄白麻來

六月六日雨後過嶽廟遊從封寺觀稼席上

暑雨頻經信宿休近郊方出釋潛憂雖妨麥始二停穫  
且見苗知一半收農語有之神嶽怖民藏雷電老松憑寺偃  
蛟虬佳遊況遇從豐識好飾千倉待有秋

自和

鄣泥何惜出郊遊始霽才寬望歲憂鬱若山光疑是活  
飄然詩思盡難收隈林杏煩紅初抹拂砌莎髯綠自虬  
禾黍坐看雲四合有年將乞載春秋

待制崔嶧給事移守圃田

使臺凝績大河東榮圃更臨輔鎮雄鸞省要資雖錫命  
犧圖清職未推公滿天秋色增詩骨一路歡謠入歲豐  
會取朝家精選意陪京今是漢扶風



菊觴

九日陪嘉客金英泛酒船  
撥醅時上下浮蟻自周旋  
香逐榴花發甘啗栢葉先  
坐中宜醉挹仙錄載延年

北園秋雨

輕雨來秋晚郊園對客樽  
暫和春氣味將冷雪胚渾  
聲入關榆苦陰纏塞嶺昏  
黃花應自笑搖落獨承恩

病中喜雪

天地久閉塞氣和方一開  
花從無象出澤蘊太虛來  
慶

可萬區浹豐宜百瑞魁病襟雖粗釋歡意阻賓壘

屬疾

一紀三垂慮中疲病早侵人生何苦甚世事愈深冬  
漏長難過霜風峭不禁幾時拋組綬芝朮老雲林

次韻荅運使楊旼舍人

軺車勤按問并部此先行糴重傷農業年豐報力耕幾  
時蘇俗困異日復民兵公策方經遠提封可坐清

至和乙未元日立春

元日難逢是立春  
普天誰不喜佳辰  
一年氣候均諸節  
萬卉芳菲實九旬  
栢葉始傾為壽酒  
土牛隨示力耕人  
故陰盡革無餘臘  
端朔陽來慶共新

元夕

萬家燈火徹重闌  
通夕熙然本順民  
誰道升平無可狀  
請觀豐稔及茲辰  
月隨遊騎何曾動  
蓮嫁春風不是真  
半病史君心未伏  
欲驅歌吹逐香塵

春寒

春寒著人骨病軀殊未堪鴈慵難遡北花怯不開南詩  
筆少新興戰兢思舊酣邊垂何事樂寂寞月將三

後園春日

并塞園林古春來似不知雨輕成凍易樹老發花遲劇  
事隨年倦歡悰入病衰芳時期強賞宴鼓揭天槌

乙未寒食西溪

三月鞦韆節西郊茁茁洲塞寒春尚淺俗樂政同優賞  
愜杯忘筭歌妍餌失鈎黃昏垂柳岸人意共遲留

上巳西溪同日清明

拍堤春水展輕紗  
元巳清明景共嘉  
人樂一時看開楔  
飲隨節日發桐花  
紅芳雨過粧新拂  
綠柳含風帶盡斜  
欲繼永和書盛事  
愧無神筆走龍蛇

安陽集卷七

欽定四庫全書

安陽集卷八

宋 韓琦 撰

律詩四十二首

謝宮師杜公寄示詩編

百諷新篇百忘勞  
直將淵古質風騷  
閑觀景物辭終巧  
意到安恬格自高  
三代正聲傳雅樂  
千年嘉味入蟠桃  
誰如八十歸休相  
字體詩情日日豪

次韻謝宮師杜公惠詩慶富公為代

彥國賢推不世奇兩諧交政辱公詩如襄事契誠多幸  
欲並才名敢固辭踈傳退來光漢史周公歸已靜淮夷  
彥國今已入相 湏知病守榮非淺日對鄉枌擁郡麾

寺底遇大雨寄呈二運使

怒雷傾雨灑無垠天意湏臾復至仁比屋士民平歎息  
一川禾黍長精神徹犁農喜通新種徧問村民皆云雨徹犁矣 隔轍  
人誰謂不均大利豈當論小害路泥深尺沒征輪

早行

冒暑行宜早脩途不困人遠風清逐睡微露濕低塵好  
月看無盡高吟意益新未鷄知漸曉天角下星辰

禱亭道中農居

山脚林成簇舍窠門前流水養嘉禾森森松栢圍先隴  
泚泚牛羊滿近坡官賦已供餘歲備村歌無節得天和  
安全盡責廉平吏三歲齊民更孰過

山行

山路何曾倦官程幸不賒片雲無定雨香草逐時花暑



序秋天氣農居古室家鄉闢勤一望峯翠列高牙

過微子嶺

崎嶇微子道行路始知難峻嶺萬千疊紆途百十盤地  
磽民力薄天旱穀苗乾未寤蒼蒼意平川雨澤寬

皆已雨足  
獨此未洽

過吳兒谷

曉入吳兒谷危途信不虛千峯疑絕路一逕俯容車山  
鳥過雲語田夫半嶺鋤時平盡周道天險欲何如

過涉縣熊耳山

我從團栢歷山岐秀絕唯於熊耳知  
芳草經年被重席輕雲無日展時旗  
羊頭有泰名終俗壺口稱關類亦卑  
何似半天留鶴馭此來憑軾與仙期

至昭德

出却千山與萬山坦途由此達鄉關  
邊垂未減宵衣念閭里徒矜畫錦還  
憂國敢忘經日慮治身能得幾時閑  
遙知上冢光榮處只在州城一舍間

拜墳

欲知為郡寵畫錦入家村自古拜松檟幾人如子孫  
麾幢新俗觀牛酒飲鄉尊儒者榮斯甚將何報國恩

喜雨

垂稔良田雨信愆三農憂死只呼天應時滂洽真無價  
數日淹遲誤有年立解焦枯非甚力不知神化此誰權  
何妨四序均膏澤長使生靈得自然

觀稼二首

尺雨滂然滌旱灾行田因得過家來催成禾黍拖泥秀  
長就粉榆揭凍裁三組不矜聊問俗一廛雖陋且容杯  
郊原躍馬都忘病隨目山川氣象開

一夕甘滋起瘁田斗回災沴作豐年便晴誰恐禾生耳  
將熟偏宜穀捺拳雲退不留驅旱迹氣清渾露已秋天  
衰翁豈獨同民樂更覺詩豪似有權

觀稼回

雨過觀田出近坵敞廬還喜及柴荆雲平多稼徹天盡

黛拂遠山隨馬行  
寂寞秋風催晚角  
徘徊先隴柰重城  
鄉人莫羨前驅弩  
吾意何如負郭耕

早赴墳莊

疊疊山依皺  
曉霞羲輪騰海露  
天涯一川圖畫秋  
方靜萬積<sup>去</sup>京坻  
穀盡搓舊鄴  
餘風含古意  
太行高景落  
詩家訟庭經  
日如僧舍  
又到村居倚將牙

再出行田

豐歲觀農穫  
先疇路不遐  
子多宜晚穀  
生耜就新麻  
蔭

麥方成畝蔓菁未入極鄉民愚自詫太守是吾家

送張吉甫寺丞歸洛

洛中平日是吾家時節芳菲正可誇  
權去獨思來衛幕春歸誰約醉桃花  
晴飛縣烏瞻仙翼暖擷新蘭薦潔牙  
更想緱笙聞夜月翩然高意薄青霞

賀春卿宣徽出帥延安

延塞何須輟鉅公西師今復久橐弓  
三台班秩名雖重四海生靈澤未豐  
莫泥兵韜求策勝更充賢業俟時通

歸來談笑巖廊上致主唐虞始是功

重陽甲子雨霽

猛收宵雨發秋光甲子朝來甚不傷  
天意欲教成九穀人心兼遂樂重陽  
山開霽碧迎軒秀菊染新黃助酒香  
氣與民和自無沴豈須從俗佩萸囊

登抱螺臺

壞圃蕭疎有廢臺登高留客此徘徊  
幾年埋沒荒榛滿今日崔嵬宴席開  
一境山川俱入眼重陽風物盡宜杯

坐中不勸猶當醉菊藥浮香似撥醅

次韻荅滑州梅龍圖重陽惠酒二闕

芳醇盈榼副風騷慰我漳濱病擁旄把菊不同陶令喜  
白衣人只送香醪

滑醪清滿菊花卮只欠新螯左手持

今歲並邊雨多偏市未至欲報

善隣將意厚苦慙家釀帶春醪

次韻荅滑州梅龍圖惠鼎州柑橘

芳訊欣隨客鯉開雅篇并付木奴來病翁逢酒唯憂過



更使湘包下滑杯

寒食會康樂園

欲識芳園立意新  
康辰聊以樂吾民  
天收寒食時來雨  
人得常年數倍春  
密密樓臺花外好  
茁茁歌舞醉中真  
朝來必要升平象  
請繪輕綃獻紫宸

次韻答滑州梅龍圖以詩酒見寄二首

對敵公如論酒兵  
病夫雖劣敢先登  
如將壓境求詩戰  
即豎降旗示不勝

東郡何能抑上才  
召書看即日邊來  
名醪價重詩篇好

賸泛西園感遇杯

公近奏感遇  
十篇故云

拜西墳

樓角聲喧促曉更  
致虔瑩域出西垌  
春山帶雨和雲重  
麥隴如梳破雪青  
鄉樹溟濛天水墨  
村農淳野古畦丁  
陰迷俄景催歸馭  
暫向東風俗眼醒

次韻酬滑州梅龍圖惠詩

自昔能詩者如公  
敏思稀清風當世  
聳大雅一時歸京

輔方期治天顏此暫違  
召棠隨有愛庖刃不勞揮  
吟筆閑邀戰隣邦動怯  
圍疲神支敗北對景失芳  
菲無物酬明月何心銜  
畫衣驚弦常跼跼突陣正  
駢駢溪柳柔金幄園花爛  
錦幃

公新葺溪園為近輔之勝

嬉遊成樂國佳氣俯端闈

郢曲高難和荆棲近莫依  
流年傷阻閣好夢接容輝  
不信降旗豎

前答公詩已有請豎降旗之句

猶勝走檄威可慙貂莫續安

敵虎而飛窘蹙圖更郡奔  
逃始見機吾鄉雖甚美無  
計

戀柴扉

次韻和滑州梅龍圖寒食溪園

溪園高致此非遐請為公陳衆所誇一境熙臺躋舊俗  
萬民和氣入新花流芳只有人思召行樂何須坐有車  
不獨清明資勝會四時風月愜詩家

次韻荅磁州王復都官

本邦為守獲隣封民政雖殊道則同浹境歡然君有惠  
一鄉榮甚我何功漸濡美化規模近珍重高篇氣格雄  
德薄可能勝尹誦穆如空自愧清風

上巳會城北新磴

誰言智者不兼仁  
請看新渠激磴輪  
本為酒材寬物力  
更饒春月樂鄉民  
陰晴天色將寒食  
狂醉人心即蜡賓  
父老他年傳故事  
可忘修禊起茲辰

書錦堂賞新牡丹

欲集珍叢稱此堂  
春來栽檻首花王  
連砧不動開猶少  
對酒多情格自強  
白晝已凌鄉錦色  
清陰宜接訟棠芳  
娛賓一奉笙歌賞  
從此香名歲月長

暮春康樂園

榆莢紛紛擲亂錢  
柳花相撲輓新綿  
一年寂寞頓來地  
三月芳菲已過天  
樹密只喧閑鳥雀  
臺高猶得好山川  
病夫不飲時如此  
徒有詩情益自然

庚申相臺閔稼

淫雨農疇害復收  
彼何恩厚此何仇  
高田穀穗拖牛尾  
卑地莊窠沒獸頭  
稔社徹宵喧鼓樂  
災居無日苦飢流  
如云禍福關為政  
安得豐凶在一州

苦雨

直疑天際裂銀潢大雨連傾特異常數里河聲轟陣鼓  
萬條簷溜卓戎槍雷霆勢惡掀人腦蛟蜃朋凶碎客航  
正熟民田多沒穗幾時仁惻動蒼蒼

次韻酬滑州梅龍圖惠酒

久雨無書致睦隣坦塗非邈盡長津正憂吾里民災甚  
敢覲公齋酒味醇得騁蛟龍方倚浪未鋤稂莠已齊身  
太陽幾日披雲見名少如葵仰望人

冬至前一日雪

地下陽將復人間氣已和群陰明數極六出見音花多  
賀稱新年曲歡侔故郢歌同雲留紀吉柔荔借萌科起  
認灰飛管堆凝素出波朝盈振鷺集隙隘白駒過樹密  
輕黏萼天圓細撼羅潔非容物污碎不在風槎農畝經  
年瑞詩家萬古魔平明開慶會綠蟻薦紅螺

臘日出獵二首

笳鼓擁貔貅韓陵山下頭人心忘岱嶽鷹眼快離婁兔



逸茲窮虜孤殲即貴酋鄉民誰會我衣錦樂畋遊

習平禮樂存形器要閱兵須有殺生故備姦戎倖斬伐  
唯於畋獵可申明妖狐膽裂逃終戮老鶻拳高下必精  
大獲未能矜小得幾何人不哂吾行

元日雪

人正開統發新陽盈尺稀逢雪載滂不必宮聲符善歲  
却應和氣得嘉祥同雲幾刻藏春色利澤經時洽衆芳  
遙想九天排曉仗六花吹入萬年觴

新歲拜墳二首

先隴比如何新年重一過風迎人意好春入鳥聲和畎  
畝因時勸松楸趁暖科公餘私遂及吾幸比為多

新歲齋前寂訟鈴不妨諏日展先塋遙知隴樹春方到  
一見家山眼又明孝弟少期為俗勸里閭烏足語吾榮  
此行猶苦圭符累名遂歸來更盡誠

寄并帥龐公古瓦硯

鄴瓦搜來頗異常寄誠安足奉文房早陪神化丹青筆

莫滯邊書亦白囊

次韻荅并帥龐公謝寄古硯

誰傳石末首青州  
鄴硯今推第一流  
更好豈堪濡化筆  
報瓊終念木瓜投

寄題滑州梅龍圖西溪園

陪京高選得名卿  
勤葺公園匪自寧  
政舉輔藩無一事  
意尊王室有三亭  
看花篇什煩官課  
對酒笙歌易訟鈴  
他日吏民銘惠愛  
定隨碑刻載圖經


寄題滑州梅龍圖西溪

四時風物隱天真咫尺城隅惜示人幾歲壞堤埋老木  
一朝春色與吾民壺中有景知誠少堂下無喧到始頻

我亦治園同衆樂夾河相望稱為隣

相亦治後園以康樂名之取時康而

與民同此樂也



安陽集卷八

欽定四庫全書

集部

安陽集卷九至  
十四

詳校官給事中臣查善長

檢討臣何思鈞覆勘

覆校官中書臣宋 鎔

校對官中書臣葉 蘭

謄錄監生臣王廷璧

謄錄監生臣汪兆鼎

欽定四庫全書

安陽集卷九

宋 韓琦 撰

律詩三十六首

御製後苑賞花釣魚奉聖旨次韻

花簇香亭萬朵開，  
琤輿高自九關來。  
輕雲閣雨迎天步，  
寒色留春送壽杯。  
仙吹徹雲終縹緲，  
恩魚逢餌幾徘徊。  
曾參二十年前會，  
今備台司得再陪。

御製天章閣觀三聖御書奉聖旨次韻

寶閣三休地琅函列聖文天章橫紫極洛字覆青雲  
花拆驚雷起龍騰駭浪分宸毫知善斷更嗣禹邦勤

恭謝天地慶成五言六韻

世積皇基厚天扶帝極安宸心思報重靈荅匪誠難  
蠲潔齋居敞凝嚴路寢寬二儀通聖饗三后接神歡  
惠澤開秋慘和聲破曉寒南山薦君壽嶢闕聳群觀

裕亨慶成五言二十韻

大饗無先裕精祠貴必躬歷朝疑未講曠典屬今崇  
良



月稽冬孟容臺訪禮中祀期當象閏位嚮卒虛東太卜  
諏元日齋誠儼法宮琬輿下丹地琳館薦清東雪密人  
初駭天高德自通陰雲成瑞靄凜色變和風世室休嚴  
衛宵衣集庶工叙親昭穆正合食簋鉶豐既裸神斯格  
居歆慶已蒙歡欣流禹律謦欬入堯聰月射千圭白星  
輝萬燦紅茨歌將振作晴旭漸瞳矐回蹕升端闕群瞻  
聳上穹蕃釐均廟餽惠澤泰民窮孝著鉤鈐動恩䟽貫  
索空致祥書可信讓美意彌冲此協亨嘉會慙非輔翼

功唯知獻君壽魏與二儀同

明堂慶成五言二十韻

至矣君嚴父其惟祀配天明堂茲有法路寢復中虔禮  
簡刊前誤圖新煥昔傳乾坤隆正位辰火協高躔宗德  
停參侑推尊獨大圓兼崇太極坐並享總章筵節物豐  
秋後齋精吉玄前既祇真館駕遂潔闕宮銓泛灑輕塵  
失涵濡惠澤先直由誠意感卒使祭無愆翌日回清蹕  
中宵儼邃延一純通肸蠭五室敞壇蜎和必流金石馨

非主豆籩靈光燭牕戶馳駕觸旄旃酌終三薦神釐  
荅萬年歡聲搖海嶽瑞色變雲煙餽已均庖賤恩恩被  
幅員星鷄隨勅豎赦鶴下樓宣赦不煩家至民惟視德  
遷普天知子道斯匪化之然

天章閣觀御飛白五言十韻

內閣門清曉中天對迺臣唐虞遺典在河洛與書陳二  
聖勤勞舊千齡矩法新帝暉方咫尺宸翰復躬親鸞拂  
宮綃舞花隨御筆春奎光連壁府劒影動龍津今古神

功絕頒宣上意均玉峯羅俎豆黼坐拱星辰魚藻符亨  
會蓬瀛寄此身流霞仙飲罷又賜一杯醇

聖恩勸酒唯  
臣再賜巨杯

樞廷對竹

一紀前曾對此君依然軒檻喜重親丹心自覺同高節  
青眼相看似故人不雜囂塵終冷淡飽經霜雪尚精神  
樞廷宜是琴樽伴會約幽居稱幅巾

韓鎮太傅之任洋州

昔年疆場寵雙旌官寄洋川實治井今喜遠民留上意

故求賢守紹家聲并雲仙迹唐祠古踏石春遊灤水清  
時閱吏文應笑我從前銜署只虛名

荅定帥仲儀龍圖寄示閱古堂詩刻

好勝時多尚已為前人勤力必隨隳所圖營葺猶如是  
欲樹功名即可知昔慕先賢形藻繪本同來哲作箴規  
得公詩刻增光猷定警諭風變俗漓

夏景即事

槐耳籠前檻雲峯透曲櫺涼風即崑閬煩思入滄溟荷

弱翻青蓋榴新倒綠餅晚來收驟雨一枕夢魂醒

夏暑早朝二首

涼風吹暑豁煩歎上馬迎風趁早朝宿霧欲開星月澹  
隱然雙闕在層霄

奪熱清風幾快襟禁街岑寂漏聲沉東方似動陰氛失  
北斗高垂帝闕深憂國遠圖深入夢費詩閑景懶成吟  
平明天外鳴鞘下萬玉颺然拱極心

重九席上賦金鈴菊

黃金綴菊鈴  
充地獨馳名  
細藥浮杯雅  
香甯貯露清  
風休沉夜警  
雨碎入寒聲  
自此傳仙種  
秋芳冠玉京

召赴天章閣觀新柑

雲閣崇先重  
霜柑薦瑞新  
臨觀紆法從  
超召獨隣臣  
晚實開天意  
重榮浹上人

上宣諭此樹枯而再榮今始結實

不隨淮枳變

自比禹包珍  
廟獻宸心格  
親頒聖寵均  
從茲魁衆果  
仙府占長春

祈雪宿齋醴泉觀

愆陽經臘惻皇情偏走靈祠達意情  
馬殆始知仙府迴  
露寒如到月宮清  
甘泉既久蠲民瘼  
惠澤非難滌厲萌  
日待神龍興  
熱窟一吁嘉  
雪滿寰瀛

戊戌元日喜雪

新元迎曉朔風涼  
雪落同雲勢漸霽  
氣候未春終是臘  
禱祈方得合稱祥  
拜章粉絮迷朝珮  
獻壽瓊花入御觴  
自是三農豐歲兆  
人聲何必問宮商

張吉甫殿丞宰資陽



去物輕遐邑宸心與近均宜將寬詔意善恤遠方民寒  
驛鳧先下春郊雉自馴白雲休引望馨膳有天倫

次韻和崔象之寺丞西亭雨下

初暑軒牕覆翠陰更宜飛雨濯塵襟喜花添色自人意  
為歲期豐獨帝心餘潤日隨和氣浹好聲時逐遠風沉  
郊原徧採農家議一寸真如一寸金

庚子重九菊未盛開席上偶成

重九開樽節未寒黃花初發葉皆單待看旬日金鈴綻

刺得東籬一醉歡

金鈴菊兗州種小圃有之

九日賞菊未開席上次韻荅崔象之寺丞

誰知九日接賓觴未放寒花折露房  
早是生來悲晚節  
那堪開不在重陽滿頭且應良辰插  
一夜寧衰淺意香  
守待金鈴披絕艷共君寒藥醉餘芳

覽崔象之寺丞詩編

驚人佳句本天成艷格清奇不易評  
秋月照空澄萬景  
洛花無品盡多名珠藏赤水搜求苦  
礦出黃金鍛鍊精

郊廟有歌猶未採只輸高興寫幽情

和崔象之紫菊

紫菊披風碎曉霞年年霜挽賞奇葩  
嘉名自合開仙府麗色何妨奪錦砂  
雨徑蕭疎凌蘚暈露叢芬馥敵蘭芽  
孤標只取當筵重不似尋常泛酒花

裕享加恩押班宣制

大袿休成慶澤新廣庭宣制寵臣鄰  
非煙薦瑞籠宮殿宣制時輕  
霜鬱然出綵敷言聳搢紳  
風結冰簷駢玉箸日融霜

瓦半魚鱗移時始放金吾仗鵷鷺齊飛出禁闥

辛丑中秋不見月

懊惱閑雲取次生中秋觀月悞人情一時雖不充群望  
萬古終難掩至明疑有陰魔憎好事更虞淫雨害豐盛  
須知席上徘徊意直似葵心向日傾

崔象之中舍宰陽翟

君於榮利已恬然此治韓城屬薦賢惠政即隨春共煦  
道心常與月同圓門踈俗客禪詮遠亭掩脩篁定力堅

君第有小亭竹徑蕭然君終日危坐於此思退幾人曾上籍可容名記託新

篇

君有休官簿與君同約者則書之

### 辛丑季秋大饗明堂中書宿齋

紫極宸居重黃扉禁戶深齋精嚴帝配祇翼達天心百  
刻延壺箭千廬肅羽林秋聲來易感仙夢斷難尋小雨  
隨雲散踈星伴月沉樹鷄先曉唱菊酒帶香斟重九日寂  
爾潛神化翛然適道襟惟馨思在德貯蜜佇靈歆

### 中書東廳十詠

迎春

覆欄纖弱綠條長  
帶雪衝寒拆嫩黃  
迎得春來非自足  
百花千卉任芬芳

牡丹

當欄新植盡珍叢  
異格同妍出化工  
何物衆人驚絕艷  
一枝花坼瑞雲紅

夜合

合昏枝老拂簷牙  
紅白開成蘸暈花  
最是清香合蠲忿

累旬風送入牕紗

四季

牡丹殊絕委春風  
露菊蕭疎怨晚叢  
何似此花榮艷足  
四時長放淺深紅

綠篠

莫輕叢篠綠陰微  
迸笋方抽嫩玉枝  
結實他年臻瑞物  
最宜栽向鳳凰池

芎藭

金分口月全言  
卷九  
靡蕪嘉種列群芳  
禦濕前推藥品良  
時摘嫩苗烹賜茗  
更從雲脚發清香

山芋

隨竹縈回翠蔓延  
土著名異出前編  
會須霜晚餐珠寶  
可挹浮丘作地仙

盆池

圓沼泓澄壁彩浮  
萍新殊未覆游條  
纖鱗不用時驚沒  
香餌雖投是直鉤



假山

危峯疊疊起丸泥莫愛幽奇是假為黃閣何功宜自効  
去尋真隱老衰疲

馴鵲

靈鵲雙雙日自馴徘徊軒檻若相親主人素解忘榮辱  
何用喃喃送喜頻

安陽集卷九

欽定四庫全書

安陽集卷十

宋 韓琦 撰

律詩三十三首

崔象之宰韓城

去年同舉菊花觴自揭清音入醉鄉此日高秋來一別  
幾旬佳節負重陽風生古操安新治雨徹疎茅鎖舊堂  
君治之東齋也民里更繁應自化宰君心地本空王

駕幸西太一宮祈雨

曉蹕聲乾下九重西郊岑寂款琳宮  
驕陽尚作三春旱多稼期霑一雨豐  
恤物致虔歸上德應誠為荅即神聰  
從來聖感無旋日不在商巖傳說功

駕幸西太一宮道傍耕桑者皆以茶綃賜之

杪春時澤未全滂西禱真祠徯福祥  
蠶女捨籠驚法從耕夫投耒目天光  
勞去聲勤率有優恩及拜賜皆知佚道  
長海內承風誰不勸何須躬籍與躬桑

駕幸西太一宮陌上耕者叱牛聲厲左右皆笑

之

皇心閔雨出西垌親禱靈宮致潔誠  
扈蹕不知農事苦  
輦前爭笑叱牛聲

駕幸西太一宮謝雨

太一尊神宅近垌特紆天仗乞殊靈  
清衷祠禱才三日  
大澍滂沱足四溟上釋憂勞嚴報謝  
民祛愁鬱得康寧  
至誠有荅真如響更異言間退守星

從駕過金明池

帳殿深沉壓水開幾時宸輦一遊來春留苑樹陰成幄  
雨漲池波色染苔室外長橋橫蟠螭城邊真境闢蓬萊  
匪朝侍宴臨彫檻共看龍艘奪錦回

駕幸金明池

西池風景出塵寰春豫方乘禁坐閑庶俗一令趨壽域  
從官齊許宴蓬山樓臺金碧芳菲外舟楫笙歌浩渺間  
與衆盡歡宮漏促萬花香裏屬車還

寄崔象之國博

知君為邑解銅章却復先廬坐  
葆光對境風幡俱不問  
安禪心法兩皆忘滿庭脩竹爭高節  
近砌幽蘭稱獨芳  
若論厭喧遭拄杖何如趣駕返周行

甲辰景靈宿齋謝雨

邃寂敞仙扃心齋物外清滂沱今應禱  
肝鬢此通誠月  
殿栖真境風梧醒睡聲如何謝靈貺  
至道本難名

癸卯喜雨

一夜陰雲匝四溟朝來嘉雪灑寰瀛  
因風絮起先春媚

翦水花飛到地輕  
天際定迷瓊藥屑  
世間今有玉樓成  
應時何止銷民疹  
直壓胡沙萬里清

聞崔公孺國博將入都近重九未至

幾日知君命駕來  
芳辰看失獨徘徊  
黃封御酒新霑賜  
更偶金鈴菊未開

晚秋有感

倦鵲穿林趁獨栖  
此情唯有老鰥知  
西風日緊重陽近  
忍對黃花挹酒卮



次韻荅崔公孺國博

向陪亡室接鵲原正是輕霜九日天  
醉語忘形幾爾汝詩毫揮紙速雲煙  
思窮碧落今無術淚灑黃花兩換年  
一覽嘉章生百恨孤懷還昧覺心圓

先君寫真得永叔為之贊而君謨書其側崔公  
孺國博以詩稱美次韻荅之

遷筆褒揚逸少書孤風拂拂起襟裾  
孝心如覩英靈在世系元承福慶餘  
永向淨居同相好

真置墳

任從深谷改

丘墟君詩意主稱人善義節軒然到古初

次韻和崔公孺國博觀君謨所書孝親崇福院

牌

欲護親瑩薦福殊僧藍營葺幾年餘名因先帝鴻恩錫  
牌得君謨大字書佛宇增輝良自爾鄉廬傳美孰加予  
須知體法多奇處深造鍾王奧妙墟

次韻和崔公孺國博觀新模鄴王書

唐季諸侯孰擅雄鄴邦高襲世勲洪圖功自可超煙閣

接士殊優在雪宮  
刀筆風流爭戰外  
生靈安帖笑談中  
詩豪墨妙家藏久  
二美刊傳定不窮

次韻和崔公孺國博觀新模正獻杜公草書

珍藏正獻草書詩  
傳誠雲來示永貽  
幾夜風濤偃松栢  
半天雷雨起蛟螭  
臨池學苦應同妙  
舞劍功如未是奇  
刊石豈徒為世玩  
更思清節可師之

次韻和崔公孺國博模刻文正范公閱古堂詩

閱古堂成在北邊  
希文詩筆美前賢  
高吟尚紀終軍策

小字如觀樂毅篇欲起貴名增世慕更刊餘禮廣人傳  
其他事業知難泯盡入仁宗實錄編

次韻荅崔公孺國博西亭感懷

常喜交親燕此中忽移歡緒作悲翁桃陰已盛何曾語  
檜影長閑不厭風數漏趨朝心拱北忍飢開閣客盈東  
人生易別須偷暇為我樽前話苦空

甲辰冬雨

凜氣回輕燠涼飈絕怒號飛雲難自拆細雨反如縑惠

澤非常降祥編想共裒民間清歲癘農畝得春膏天意  
雖霧洽人心尚鬱陶未逢銀甕出不見玉樓高酒興來  
差淺詩情病少豪曾看紛似絮舉白待風騷

留崔公孺國博

虛亭還喜叩禪詮頓覺襟懷鄙吝捐陶暑屢開河朔飲  
聚星看別潁川賢我縻東府成衰叟君向西湖即洞天  
且緩歸期時一笑及瓜趨闕動三年

乙巳重九

苦厭繁機少適懷欣逢重九啓賓壘招賢敢並翹材館  
樂事難追戲馬臺蘇布亂錢乘雨出雁排新陣拂雲來  
何年得遇樽前菊此日花隨月令開

乙巳郊禮慶成五言二十韻

堯歷方歸聖虞琴始就聲不先惟帝饗孰見事天明穀  
旦諏陽復鴻儀備吉行宸襟正祗謹陰孽忽孽萌淫雨  
頻興陣寒花幾墜瓊多言搖改卜上意益專精宗社敷  
冥祐穹蒼荅至誠斗收連日晦併與祀時晴待曉披閭

闔疑旒下紫清真廷陳潔饌親廟展嘉牲愛旭輝黃道  
非煙護綠城旌旗停藻衛鏡吹起嚴更冕服祛繁飾壇  
壝即自成品熒奠琮璧和雅薦英莖繼志還虛次尊神  
戒側迎時傳旨公卿等傳奉祠事母得轉班迎駕千齡俄受胙萬乘已旋衡  
嶢闕層霄迥通衢衆目傾䟽刑空犴獄霈澤泱寰瀛統  
業恢長治生靈入太平因知却微號偉蹟固難名

次韻和崔公孺國博西亭感懷

常虛西館待高賢一見襟懷兩釋然且叩真詮期進道

不論衰鬢遂周年頑金在礦須當變逸驥無鞭亦自前  
相叩屢辭雖未得已齊朝市與林泉

感春貽崔公孺國博

春來天氣作輕寒故使春芳欲見難賴得好風攄俗憤  
頓開韶景與人看詩情遇敵豪雖減杯興逢辰老未闌  
幸遇親朋時枉駕且偷壺刻奉清歡

次韻和崔公孺國博黃杏花

顆顆裝成藥竈牙日邊開處近彤霞真宜相閣栽培物



更是仙人種植花高行出羣猶仰慕香名超格合洪謬  
諸賢繼有尋芳會欲奉歡遊決自差

貽崔公孺國博

三十年來契分隆更從親炙達真空明非獨善諸昏破  
理到無心萬事通莫話離踪傷祖席且留歡刻醉春風  
海棠亭下花看發坏子臘脂點點紅

次韻和崔公孺國博遊興國寺廣嚴院

紺園南北壓通寰氣象超然出世間只見莊嚴尊十地

不須微瑣說三山浮雲自縛春春失真境無塵事事閑  
我有歸依殊勝願吏文常擾幾時還

次韻荅崔公孺國博西亭燕飲

十稔繁機困備員芳時何暇目春妍自慙東閣延材地  
得會西豪聚里賢益友至言皆有味禪宗高論邈無邊  
須知樽酒相留意老去離懷異少年

丙午上巳瓊林苑賜筵

春光濃簇寶津樓樓下新波漲鴨頭嘉節難逢真上巳

賜筵榮入小瀛洲  
仙園雨過花遺靨  
御陌風長絮走毬  
楔飲不須辭巨白  
清明來日尚歸休

首夏西亭

一霎輕塵小雨過  
園林風物尚清和  
巢栖舊燕將成子  
盆植新蓮未出荷  
欲就好峯添異石  
惡侵芳卉歟狂莎  
病襟蕭索賓如市  
孤負良辰樂事多

召赴天章閣觀新刻仁宗御詩

天閣當年拂霧宣  
紫皇端扆侍羣仙  
親揮龍鳳軒騰字

命繼咸韶雅正編勸酌屢行均聖寵賜花中出奪春妍  
玉峯光景都如舊但睇宸章極泫然

次韻和崔國博西亭喜雨

暑雨滂然僅作霖連宵殊未擴陰森全祛下土將焚患  
盡識高穹不忍心斗厭埃氛開衆目了無煩熱自吾襟  
當軒倍勝松風過何必清音一弄琴

安陽集卷十

欽定四庫全書

安陽集卷十一

宋 韓琦 撰

律詩三十二首

永興寒食後池

春意陰陰百五天  
小池蕭索會僚賢  
孤芳映水花終淡  
勁竹凌軒節自全  
一陣森嚴林勢合  
萬魚跳落雨痕圓  
當筵暫弭憂邊慮  
且仗詩魔駕酒船

席上自和

喜陶嘉節曲池邊薄酒何須辨聖賢談席且誇珠履盛  
種羌誰問蟻封全白楊花落眠蠶老紅杏枝殘笑靨圓  
不似丁年為帥日醉鄉方擬拍浮舩

清明興慶池上

連日陰岑此日晴池頭風物稱清明萬鱗潛卷雲頭圻  
一鑑新開水面平兩兩鳬鷺波上沒憧憧車馬柳間行  
嘉賓須惜難并會莫厭芳樽冷淡傾

垂蘿洞

池北如趨紫府家亭臺高下景無涯垂楊不絆遊春騎  
曲水時飄出洞花萬本竹深叢劍戟一軒藤老纏龍蛇  
使君欲共斯民樂莫顧西山下日車

上巳會興慶池二首

元巳開樽處垂蘿碧洞前綺羅明浩渺臺榭挿漪漣曲  
水來如篆輕橈去若仙春寒芳意晚未見柳飛綿

興慶池頭三月三柳如拖綬草如衫襖觴臨水筵相屬  
文鷁凌波尾競銜花雨亂飛紅撲蔌峯螺遙聳碧嶄巖

芳辰況任遊人樂不必低將席帽撓

上巳晚遊九曲池

九曲池邊第一開  
艤舟同賞盡高才  
彎流自得黃河勢  
怪石應從紫閣來  
塵外恍迷仙境界  
竹間深有古亭臺  
徘徊復至豐碑下  
花萼吁嗟作盜灰

春陰馬上

正日風和日暖天  
重陰凌擾苦纏綿  
蕉心自結憑誰展  
柳眼慵開只待眠  
草濕謾鋪留醉席  
榆寒難擲買春錢



幾時霞外氛霾散放出紅輪一丈圓

聞轉運范純仁司封會興慶池

池榭春深合衆芳使臺來賞好風光  
波頭灩日琉璃軟酒面搖花琥珀香  
訪古舊文昏琬琰記遊新刻上簷簷  
臨歸定借西園步愈覺禪詮氣味長

西園即化  
先所居

登廣教院閣

岑寂禪扉啓畫關公餘為會一開顏  
高臺面壘包平野老柏參天礙遠山  
花去春叢蝴蝶亂雨勻朝圃桔槔閑

徘徊軒檻何時下直待前枝倦鵲還

賞北禪牡丹

一春顏色與花王況在莊嚴北道場  
美艷且推三輔冠  
嘉名誰較兩京強已攢仙府霞為葉  
更奪熏鑪麝作香  
會得輕寒天意緒故延芳景助飛觴

次韻和都運孫永待制廣教院三頭牡丹

駢枝三出牡丹紅  
竒有雙頭結未工  
宛似靈芝相並秀

瑞雲攢處起香風

唐肅宗時延英殿梁上生玉芝一莖三花故云

賞西禪牡丹

幾酌西禪對牡丹，穠芳還似北禪看。  
千毬紫繡擎薰炷，萬葉紅雲砌寶冠。  
直把醉容欺玉笋，滿將春色上金盤。  
魏花一本須稱后，十朶齊開面曲欄。

四月望日會興慶池

莫厭煩蒸共此行，臨流臺榭極高明。  
風前自得披襟興，林杪時聞脫袴聲。  
洞竹交陰冠蓋爽，砌泉爭響夢魂清。  
憑軒最切雲霓望，日待民田雨足耕。

送秋馬上始見終南

終南頻月晦峯巒一雨民心萬事寬  
救徹旱苗充歲望洗開山色與人看  
半天橫示全秦壯積雪高連太白寒  
欲識衆多欣幸意送秋歌舞滿長安

會故集賢崔侍郎園池

崔園高絕五門西塵外風光是處宜  
唐室舊池因地得漢宮遺址上樓知  
青螺萬嶺前為障碧玉千竿近作籬  
我住鄴臺殊草創一來尤覺戀歸遲

再賦

門徑縈紆洞府間，  
無塵外累幽閑。  
長楊十丈亂風雨，  
流水數枝鳴珮環。  
入戶好峯誰可畫，  
礙人新竹不容刪。  
池亭面面圓荷滿，  
薄暮飛香送客還。

登崔園城上亭

危榭壓頽基，登臨事可悽。  
邱墟唐殿左，禾黍漢宮西。  
臺古疑藏劍，峯遙不見圭。  
山川難盡識，賴有舊圖攜。

覽諸人贈狄國賓察推詩

凜凜梁公萬世尊復唐功業並乾坤為臣所守能忠義  
異代猶思錄子孫老嗣寂寥雖未振大名瞻仰只如存  
後人真有希賢志豈特孤風擅一門

送范純仁司封移漕京西

衰拙何堪定繹騷使臺猶喜會英髦治財純擾常先恕  
移用皆宜似不勞此去任賢終漕輓幾時當路壓風濤  
家聲莫擬君能紹日看青雲步步高

涼榭池上二閼

游鱗驚觸綠荷香水馬成羣  
股脚長逐浪相隨留篆跡  
偃波垂露滿方塘

病襟思適繞東塘  
水荇初花吐嫩黃  
行困老樗陰下坐  
兒童爭喜拾紅娘

長安府舍十詠

流泉

龍首高原析螭吭  
亂玉鏘帶花春共遠  
和雨夜何長冷  
撼青虵影平拖白練  
光煩襟來自滌可待濯滄浪

涼榭

忠閔規摹壯耽然大厦開無時佳燕在正暑好風來池  
面飛泉落林端畏景回誰知仙府路瓊室與瑤臺

北塘

臺榭生涼處翕淪瞰北塘松筠成夏蔭蓮芰入秋香疎  
雨交寒暈輕雲襯曉光無心投釣餌游鯉莫驚藏

雙石

雙石唐餘物來茲孰記年巖空危砌下怪醜好花前名



氏坳猶刻藤蘿穴任穿最宜秋後看班駁蘚痕圓

月臺

待月西臺早移時凭曲欄雲端開玉葉海面起金盤燕  
席通宵雅涼波入坐寒香風來不斷清露裛紅蘭

池亭

亭出水中央輕風四面涼岸平飛畧勺波暖戲鴛鴦靜  
夜蟾蜍落清秋茁茁芳公餘時獨坐萬慮默皆忘

山樓

西北高樓上南山日面攔勢籠秦地勝陰落渭波寒帶  
雨新屏活穿雲古道難仙局如可造便擬挂朝冠

流杯

迢遞穿花出彎環作篆來若非天上醴不泛洞中杯水  
鳥浮還沒仙航去復回蓬瀛真境事銷得玉山頽

石林

叢石競嶄巖當軒翠撲嵐疑峯何啻九仙島迥侔三潤  
極雲猶抱溫多玉尚含樓高慵引望坐看小終南

竹徑

北榭層基下森森竹徑幽  
枝繁低拂蓋根密僅通流  
勁節輕環粉狂鞭怒走虬  
風霜胡可動松柏乃吾儔

安陽集卷十一